



# Møteprotokoll

**Utval:** Stølsheimen verneområdestyre

**Møtestad:** Myrkdalen Hotel

**Dato:** 09.10.2024

**Tidspunkt:** 14:00 - 15:00

## Følgjande faste medlemmer møtte:

Namn	Funksjon	Representerer
Marta Sofie Vange	Leiar	Vik kommune
Liv-Anne Aanesen	Nestleiar	Modalen kommune
Geir Helge Østerbø	Medlem	Høyanger kommune
Benedicte Kragh	Medlem	Voss herad

## Følgjande medlemmer hadde meldt forfall:

Namn	Funksjon	Representerer
Alexander Fosse Andersen	Medlem	Vestland fylkeskommune

## Følgjande varamedlemmer møtte:

Namn	Møtte for	Representerer
Trude Brosvik	Alexander Fosse Andersen	Vestland fylkeskommune

## Merknader:

## Andre frammøtte:

Namn	
Anbjørg Nornes	verneområdeforvaltar / sekretær
Maria A. Underdal	verneområdeforvaltar / sekretær

## Underskrift:

Vi stadfestar med underskriftene våre at det som er ført på dei sidene vi har signert i møteboka, er i samsvar med det som vart vedteke på møtet.

Marta Sofie Vange

Trude Brosvik

# Saksliste

Utvalgs-saksnr	Innhold	Lukket	Arkiv-saksnr
ST 26/24	Godkjenning av innkalling og dagsorden		
ST 27/24	Val av styremedlem til å skrive under protokollen		
ST 28/24	Orienteringar og referatsaker		
RS 12/24	Høyringsuttale - Stølsheimen verneområdestyre - NOU 2024: 10 - ny motorferdselslov		2022/575
RS 13/24	Løyve - delegert vedtak - Stølsheimen landskapsvernområde - Helledalen - fjerning av steinblokker i buførestien		2023/18310
RS 14/24	Løyve - delegert vedtak - Stølsheimen landskapsvernområde - Solrenningsvatnet - motorferdsel - motorisert kano - Kristi Brekke		2024/10646
RS 15/24	Løyve - delegert vedtak - Stølsheimen landskapsvernområde - Åsedalen - motorferdsel - bru ved turisthytta		2023/4541
RS 16/24	Løyve - delegert sak - Stølsheimen landskapsvernområde - Vøvringen - rydde gamal sti - helikoptertransport		2024/13137
RS 17/24	Førehandsvarsel - Stølsheimen landskapsvernområde - Mørkves-Grøndalen - tiltak ved stølshus - 277/1		2024/13237
RS 18/24	Førehandsvarsel - Stølsheimen landskapsvernområde - Mørkves-Grøndalen - tiltak ved naust		2024/13557
ST 29/24	Stølsheimen landskapsvernområde - Vatnane - nytt stølshus - Vik kommune - 64/12		2024/7528

## ST 26/24 Godkjenning av innkalling og dagsorden

### Saksprotokoll i Stølsheimen verneområdestyre - 09.10.2024

#### Handsaming i møte

Innkalling og dagsorden vart lagt fram til godkjenning.

#### Vedtak

Innkalling og dagsorden vart godkjent.

## **ST 27/24 Val av styremedlem til å skrive under protokollen**

### **Saksprotokoll i Stølsheimen verneområdestyre - 09.10.2024**

#### **Handsaming i møte**

Framlegg på Trude Brosvik til å skriva under møteprotokollen saman med styreleiar.

#### **Vedtak**

Trude Brosvik vart valt til å skriva under møteprotokollen.

## **ST 28/24 Orienteringar og referatsaker**

### **Saksprotokoll i Stølsheimen verneområdestyre - 09.10.2024**

#### **Handsaming i møte**

Styret vart informert om ståa i sakene om førehandsvarsel om retting.

Det var ynskje om å vurdere å ta synfaring på to av møtene i 2025 sidan det ikkje vart noko slik synfaring i 2024. Det kom forslag på å reise til Ortnevik og Brydalen. Slike synfaringar må ha eit tydeleg behov.

#### **Vedtak**

##### **RS 17/24 og 18/24**

Styret set frist for uttale og eventuelle søknader til 01.11.24 i begge sakene om førehandsvarsel om retting. Dette for å kunne handsama eller ta stilling til vidare handsaming i neste møtet som er sett til 11.11.24.

##### **Møteplan 2025**

Forvaltarane jobbar med dette i samråd med styret, og legg fram forslag til møteplan for 2025 på første møtet i 2025, slik som vanleg.

## **ST 29/24 Stølsheimen landskapsvernområde - Vatnane - nytt stølshus - Vik kommune - 64/12**

### **Saksprotokoll i Stølsheimen verneområdestyre - 09.10.2024**

## Handsaming i møte

Rette ein utydeleg formulering: "Det skal ikkje vera dekor på vindauga slik det er vist i fig 1". Her bør det stå "rundt vindauga", ikkje "på".

Leggje til "slik det er søkt om" i setninga "Taktekkingsmateriale skal vera torv."

Punktet om vindauge på vestveggen vert endra til: "Vindauge i vestveggen skal vere av den typen som er teikna inn på sideveggane, altså med fag/ramme for kvar andre horisontale rute, jf. fig. 1 i saka. Vindauge i vestveggen kan ha storleik inntil slik det største vindauge på nordveggen er".

## Vedtak

Stølsheimen verneområdestyre gjev Geir Otterskred løyve til å rive det gamle stølshuset på Vatnane, og sette opp nytt stølshus på same grunnmurane. Bygget tilhøyrer gnr. 64 bnr. 12. i Vik kommune. Løyve er gjev med heimel i verneforskrifta for Stølsheimen landskapsvernområde punkt VI nr. 3

Løyvet gjeld med fylgjande vilkår:

- Det ståande stølshuset skal rivast, og materiale som kan brukast opp att skal nyttast i det nye stølshuset.
- Nytt bygg skal førast opp att på dei same grunnmurane som det gamle stølshuset stod på. Utvendige mål på grunnmuren og bygget skal vera inntil 4,5 meter breidde og inntil 7 meter lengde. Kledningen skal gå i eit med muren eller vere innpå muren. Høgda på sideveggane frå muren til taket skal vera inntil 2,2 meter. Høgda på taket skal vera inntil 1,8 meter. Takvinkelen skal vera 35 grader.
- Bygget skal ha liggande enkel kledning med overlapp over underliggande bord, tilsvarande det som er tradisjonell byggeskikk i området. Dersom stølshuset vert måla, skal det vera i ein gråtone, tilnærma gamalt grånande treverk.
- Takutstikk skal ikkje vera meir enn 10 cm. Taktekkingsmateriale skal vera torv, slik det er søkt om. Torva skal stikkast i naturbeitemark i utkanten av stølsvollen, men ikkje i myr. Torva skal takast ut i striper på ca. 0,5 meter. Det skal vera ca. 0,5 meter mellom stripene. Overskotsmasse etter torvlegginga skal leggjast tilbake og spreist utover stripene, slik at stripene gror raskt til med ny vegetasjon.
- Vindauga skal ha eit enkelt preg med småruta glas jf. fig 1. i saka. Det skal ikkje vera dekor rundt vindauga slik det er vist i fig 1. Det kan setjast inn eit lite vindauge med fire småruter over døra i austveggen, med same storleik som vindauge ved sida av døra, jf. fig. 1 i saka. Det kan berre vera eit vindauge på kvar av sideveggane. Begge desse vindauga skal ha same storleiken som vindauge i sørveggen, jf. fig. 1 i saka. Vindauge i vestveggen skal vere av den typen som er teikna inn på sideveggane, altså med fag/ramme for kvar andre horisontale rute jamfør i fig. 1 i saka. Vindauge i vestveggen kan ha storleik inntil slik det største vindauge på nordveggen er.
- Høgda på muren skal vera lik dagens nivå på eksisterande stølshus. Murane skal restaurerast med steinar frå eksisterande mur. Muren skal murast etter tradisjonell teknikk. Det kan plukkast stein frå nærområdet til supplering av muren.
- Terrenget rundt stølshuset skal ikkje omarbeidast, og eksisterande vegetasjon skal gå heilt inn til murane.
- Dersom det vert endringar på planane, skal endringane vurderast av verneområdestyret før arbeidet kan fortsetja.
- Etter arbeidet er avslutta skal området ryddast, og bygningsrestar og avfall skal fraktast ut av området.
- Det skal sendast rapport med bilde av tiltaket til sekretariatet når arbeidet er slutført.
- Tiltakshavar skal melde frå til verneområdeforvaltninga når arbeidet på nytt bygg startar opp. Løyve til tiltaket er gyldig til 01.11.2027. Det må søkjast om nytt løyve dersom arbeidet ikkje er starta innan denne dato.

Dette løyvet er berre handsama etter reglane i verneforskrifta. Det må i tillegg sendast søknad om byggeløyve til Vik kommune.